



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 386. 387. De familia et mancipiis traditis in villis Tieddikeshus et Silobiki
in pago Auga.

urn:nbn:de:hbz:466:1-36114

§. 386.

Tradidit badagad pro bermer unam familiam in *tieddikeshus*. (n)

et gubernante
Corbeiam
Folcmaro I.

§. 387.

Tradidit tiadmaruf pro herdag XXX iugera I iurnalem et II mancipia in *silobiki* (o).

§. 388.

stræ *Nianthorpe* indagandum, adducere quoque debemus, in principatu Halberstadenfi inter *Wegeleben* et *Destorf*, iter dimidiæ horæ ab oppido Groninga, quondam extitisse villam quandam, *Niendorf* appellatam. Demonstramus id ex *Deductione* MSCpta *possessorum agrorum in campis desolati vici Niendorf cis Butam* (die Bode) inter *Wegeleben* et *Diestorf*, sumta ex *continuatis registris cellariæ collegiæ ecclesiæ Btæ Mariæ virginis Halberstad. ab anno 1438 usque ad annum 1651*, e quibus patet, possedisse illam in eadem villa desolata septem mansos, item mansum parochianum et agrum dictum *der Vberacker* anno 1482 *Hansum* seu *lobanem de Dorstad*, anno 1494 *Valentinum de Dorstad* in *Emerslebe*, anno 1506 eius liberos, anno 1522 *Heinricum de Dorstad*, anno 1547 *Magdalenam de Dorstad*, *Heinrici de Dorstad filiam*, anno 1580 *Ernestum de Honroth*, maritum *Magdalene prædictæ*, anno 1592 *Adolphum de Honroth*, anno 1611 viduam *Adolphi de Honroth*, anno 1614 *Christophorum de Honroth*, anno 1625 heredes *Christophori de Honroth*, et anno 1638 *Georgium Fridericum de Honroth*. Longo iam tempore illi, de *Dorstad* dicti, in loco antea dicto agros possederant. Ad manus enim sunt XI diplomata, in quibus de pascuis, agris, decimis et colonis *Niendorpiensibus* agitur, de quibus in *Historia monasterii Groningensis* exponemus pluribus. Illud annotasse hoc loco incongruum non videtur, olim ad iura comitum de *Anhalt* spectasse villam nostram, qui etiam in villa *Wegeleben*, quæ vnum milliare distat ab vrbe *Halberstad*, atque vnum milliare a monasterio nostro *Groninga*, bona possedere hereditaria. Id ipsum nobis ansam præbuit statuendi, *Thiadricum* atque *Ailbernum* seu *Adelbertum*, qui in villa *Nianthorpe*, quæ diuersa non videtur a villa *Niendorf*, cuius Halberstadenfis episcopus *Theodoricus* meminit in diplomate supra adducto, bona quædam largiti sunt ecclesiæ *Corbeiensis*, ad progenitores *Anhaltinorum principum* pertinuisse. Statuimus illud supra §. 188, et nostram sententiam optimo niti talo, speramus.

(n) Villam *Thieddikeshus* abbas noster *Saracho* in suo *Registro* non habet. Nescimus ergo, De villa quem vicum intelligere debeamus. Posset illa subesse villæ *Denckehusen*, cuius ecclesia spectat ad ecclesiam in *Deersen* in ducatu *Brunsvicensi*. Sed nihil definimus. Tieddikeshus.

(o) Cum villa *Silobiki* ab abbate nostro *Sarachone* referatur ad pagum *Auga*, probe hanc villam discernere debemus 1) a *Silbiki* villa, quæ anno 1011 erat in comitatu *Haholti*, 2) a *Selbeck* in comitatu *Waldeccensi* in præfectura *Waldeck*, 3) a *Soltbeke* in comitatu *Sternberg*, 4) a *Sulbecke* in comitatu *Schaumburgico*, 5) a *Silbeck* in ducatu *Westfalia*, 6) a *Sulbichi*, quæ erat anno 835 in pago *Logne*, 7) a *Sebeck* in dynastia *Buren*, 8) a *Silbeck* seu *Zilpke* in ducatu *Magdeburgico* intra præfecturam *Obsfeld*, 9) a *Solpke* in veteri *Marchia*, 10) et 11) a *Groten* et *Lutken Sulbeck* in ducatu *Magdeburgico*, quarum villarum *Lutken Sulbeck* desolata est. Quum autem in eadem regione, in qua pagus *Auga* erat situs, duæ villæ fuerint, ambæ *Sulbecke* nominatæ, quarum altera reperiebatur haud procul a *Furstenberg*, atque altera inter *Holzmindam* et vicum *Luchteringen* in ducatu *Brunsvicensi*, vti iam supra §. 257. vidimus, hæc, non illa, villa videretur nostra *Silobiki* fuisse. Ex hoc situ villæ *Silobiki* patere arbitramur, *Herdagum* nullum fuisse alium, atque *Herdagum* filium *Bardonis I*, nepotis *Widekindi M*. de quo egimus supra §. 104, 343, et 849, quique filiam ducis *Luidolfi Merefuitam* in matrimonio habuit, et qui in *Fersthan* et *Byueren* i. e. *Forst* ac *Beueren* in Principatu *Wolferbuttelano* bona quædam tradidit, vt probabilissime auguror, acquisita per vxorem suam, filiam *Luidolfi* ducis. Quia autem hoc tempore *Tiadmarus*, quem *Chronicon* nostrum *MSCptum*, et ex eo *Widekindus* noster *Annal. Lib. I. p. 636*. summis extulit laudibus, adhuc in viuis erat, quippe qui demum

Fff f

anno